



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՐԿԱՅԻՆ ԿԱԶՄԱԿԵՐՊՈՒԹՅՈՒՆՆԵՐԻ ԱՍՈՑԻԱՑԻԱՅԻ ԿՈՂՄԻՑ ՀՐԱՊԱՐԱԿՎՈՂ ԱՄՍԱԿԱՆ ՀԱՇՎԵՏՎՈՒԹՅՈՒՆ

Հոկտեմբեր, 2025




Բովանդակություն

Բովանդակություն	1
Ֆինանսական դիրք	2
Վարկային պորտֆել և համեմատականներ	3
Տրամադրված վարկերի ծավալը	3
Տրամադրված վարկերի քանակը	3
Մասնաճյուղեր և վարկային պորտֆելի ցուցանիշներ	5
Վարկերի կառավարում	6
Վերլուծական գործակիցներ	7

Ֆինանսական դիրք

- **Ակտիվներ:** ՀՀ ՎԿԱ անդամների համախառն ակտիվները 2025թ.-ի Հոկտեմբերի 31-ի դրությամբ կազմել են 250.15 մլրդ դրամ՝ 2024թ.-ի Հոկտեմբերի նկատմամբ աճելով 16.8%-ով, իսկ 2025թ.-ի Սեպտեմբերի նկատմամբ՝ 0.7%-ով: (Գծ.1):
- **Վարկային Պորտֆել:** ՀՀ ՎԿԱ անդամների վարկային պորտֆելը 2025թ.-ի Հոկտեմբերի 31-ի դրությամբ կազմել է 193.56 մլրդ դրամ՝ նախորդ տարվա Հոկտեմբերի նկատմամբ աճելով 16.5%-ով, իսկ 2025թ. Սեպտեմբերի նկատմամբ՝ 0.1% (Գծ.1):
- **Կապիտալ:** ՀՀ ՎԿԱ անդամների ընդհանուր կապիտալը 2025թ.-ի Հոկտեմբերի վերջի դրությամբ կազմել է 83.88 մլրդ դրամ՝ 2024թ.-ի Հոկտեմբերի նկատմամբ աճելով 8.1%-ով, իսկ 2025թ.-ի Սեպտեմբերի նկատմամբ նվազելով 3.3%-ով (Գծ.1):

Գծապատկեր 1. ՀՀ ՎԿԱ անդամների ֆինանսական դիրքը 2024-2025թթ. Հոկտեմբերի վերջի դրությամբ




Վարկային պորտֆել և համեմատականներ

Տրամադրված վարկերի ծավալը

- 2025թ.-ի Հոկտեմբեր ամսին ՀՀ ՎԿԱ անդամների կողմից տրամադրվել է 16.64 մլրդ դրամի վարկ, որը նախորդ տարվա նույն ժամանակահատվածի նկատմամբ աճել է 27.4%-ով, իսկ 2025թ.-ի Սեպտեմբերի նկատմամբ աճել է 2.0%-ով (Գծ. 2):

Գծապատկեր 2. ՀՀ ՎԿԱ անդամների կողմից 2024 և 2025 թթ.-երի Հունվար-Հոկտեմբեր ամիսներին տրամադրված վարկերի ծավալը




Տրամադրված վարկերի քանակը


- 2025թ.-ի Հոկտեմբեր ամսին ՀՀ ՎԿԱ անդամների կողմից տրամադրվել է 60,283 վարկ, որը նախորդ ամսվա նկատմամբ աճել է 8.1%-ով, իսկ 2024թ.-ի Հոկտեմբերի նկատմամբ նվազել է 1.0%-ով (Գծ. 3):

- 2025թ.-ի Հոկտեմբեր ամսվա վերջի դրությամբ ՀՀ ՎԿԱ անդամներն ունեցել են 221,067 ակտիվ վարկառուներ: Ակտիվ վարկառուների քանակը 2024թ.-ի Հոկտեմբերի նկատմամբ աճել է 8.0%-ով, իսկ 2025թ.-ի Սեպտեմբերի նկատմամբ նվազել է 0.6%-ով:
- ՀՀ ՎԿԱ անդամների կողմից 2025թ.-ի Հոկտեմբերին տրամադրված վարկերի միջին մեծությունը կազմել է 276 հազար դրամ, իսկ վարկային պորտֆելի միջին վարկի մեծությունը կազմել է 876 հազար դրամ: Նույն ցուցանիշները 2024թ.-ի Հոկտեմբերին կազմել են համապատասխանաբար՝ 215 և 811-հազարական դրամ (Գծ. 4):

Գծապատկեր 3. ՀՀ ՎԿԱ անդամների կողմից 2024 և 2025 թթ.-երի Հունվար-Հոկտեմբեր ամիսներին տրամադրված վարկերի քանակը




Գծապատկեր 4. ՀՀ ՎԿԱ անդամների կողմից տրամադրված վարկերի միջին մեծություն



Մասնաճյուղեր և վարկային պորտֆելի ցուցանիշներ

- 2025թ.-ի Հոկտեմբերի դրությամբ Ասոցիացիայի անդամները միասին վերցրած ՀՀ ամբողջ տարածքում ունեցել են 158 մասնաճյուղ, որը, համեմատած 2024թ.-ի Հոկտեմբերի հետ, աճել է 7-ով:
- ՀՀ ՎԿԱ անդամները 2025թ.-ի Հոկտեմբերի դրությամբ ունեցել են 439 վարկային մասնագետ, որը, համեմատած 2024թ.-ի Հոկտեմբերի հետ, աճել է 22-ով:
- 2025թ.-ի Հոկտեմբերին ՀՀ ՎԿԱ անդամների կողմից տրամադրված վարկերի գծով մեկ վարկային մասնագետի հաշվով միջին վարկի մեծությունը կազմել է 37.91 մլն դրամ, նախորդ ամսին՝ 37.59 մլն դրամ, իսկ 2024թ.-ի Հոկտեմբերին այս ցուցանիշը կազմել է ևս 31.34 մլն դրամ (Գծ. 5):
- 2025թ.-ի Հոկտեմբերի վերջի դրությամբ ՀՀ ՎԿԱ անդամների վարկային պորտֆելը մեկ վարկային մասնագետի հաշվով կազմել է 440.90 մլն դրամ, նախորդ ամսվա 445.63 մլն դրամի և 2024թ.-ի Հոկտեմբերին 398.40 մլն դրամի համեմատ (Գծ. 5):

Գծապատկեր 5. ՀՀ ՎԿԱ անդամների տրամադրված միջին վարկը և վարկային պորտֆելը մեկ վարկային մասնագետի հաշվով




Վարկերի կառավարում

- **Մինչև 30 օր ժամկետանց պորտֆել:** ՀՀ ՎԿԱ անդամների մինչև 30 օր ժամկետանց վարկերի ծավալը 2025թ.-ի Հոկտեմբերի վերջի դրությամբ կազմել է 2,220 մլն դրամ, նախորդ ամիս՝ 2,197 մլն դրամ և 2024թ.-ի Հոկտեմբերին՝ 1,513 մլն դրամ: Նախորդ տարվա նույն ժամանակահատվածի նկատմամբ մինչև 30 օր ժամկետանց վարկերի ծավալը աճել է 46.7%-ով, իսկ 2025թ.-ի Սեպտեմբերի նկատմամբ աճել է 1.0%-ով: 2025թ.-ի Հոկտեմբերի վերջի դրությամբ մինչև 30 օր ժամկետանց վարկերի պորտֆելը կազմել է ընդհանուր վարկային պորտֆելի 1.15%-ը, 2024թ.-ի Հոկտեմբերին ևս կազմել է 0.91% (Գծ. 6):
- **Ժամկետանց պորտֆել 30 օրից ավել:** ՀՀ ՎԿԱ անդամների 30 օրից ավել ժամկետանց վարկերի ծավալը 2025թ.-ի Հոկտեմբերի վերջի դրությամբ կազմել է 4,000 մլն դրամ, նախորդ ամիս՝ 4,077 մլն դրամ և 2024 թ.-ի Հոկտեմբերին՝ 3,062 մլն դրամ: Նախորդ տարվա նույն ժամանակահատվածի նկատմամբ 30 օրից ավել ժամկետանց վարկերի ծավալը աճել է 30.6%-ով, իսկ 2025թ.-ի Սեպտեմբերի նկատմամբ նվազել է 1.9%-ով:

2025թ.-ի Հոկտեմբերի վերջի դրությամբ 30 օրից ավել ժամկետանց վարկերի պորտֆելը կազմել է ընդհանուր վարկային պորտֆելի 2.07%-ը, 2024թ.-ի Հոկտեմբերին՝ 1.84% (Գծ. 6):

- **Զուտ դուրսգրումներ:** 2025թ.-ի Հոկտեմբերի վերջի դրությամբ Ասոցիացիայի անդամ վարկային կազմակերպությունների զուտ դուրս գրված վարկերի ծավալը կազմել է 1,430 մլն դրամ, նախորդ ամիս՝ 986 մլն դրամ և 2024թ.-ի Հոկտեմբերին՝ 807 մլն դրամ: Զուտ դուրս գրված վարկերի ծավալը 2025թ.-ի Հոկտեմբերին նախորդ ամսվա նկատմամբ աճել է 45.0%-ով, իսկ 2024թ.-ի Հոկտեմբերի նկատմամբ աճել է 77.4%-ով: Ասոցիացիայի անդամների սույն թվականի Հոկտեմբերի զուտ դուրս գրված վարկերի ծավալը կազմել է համախառն վարկային պորտֆելի 0.74%-ը, նախորդ ամիս՝ 0.51% և 2024թ.-ի Հոկտեմբերին 0.49% (Գծ. 6):

Գծապատկեր 6. ՀՀ ՎԿԱ անդամների վարկերի ծավալները Հոկտեմբերի 31-ի դրությամբ



Վերլուծական գործակիցներ

- 2025թ.-ի Հոկտեմբերի դրությամբ ՀՀ ՎԿԱ անդամների համախառն վարկային պորտֆելի և ակտիվների հարաբերակցությունը կազմել է 77.4%, որը վկայում է այն մասին, որ ակտիվների ծանրակշիռ մեծամասնությունը ուղղվում է վարկավորմանը: Նույն ցուցանիշը 2024թ.-ի Հոկտեմբերին կազմել է 77.6% (Գծ. 7):

- Սույն թվականի Հոկտեմբերի դրությամբ Ասոցիացիայի անդամների ընդհանուր կապիտալի և վարկային պորտֆելի հարաբերակցությունը կազմել է 43.3%: Այս ցուցանիշը ցույց է տալիս, որ Ասոցիացիայի անդամների վարկավորման ծավալի 43%-ը իրականացվում է սեփական կապիտալի հաշվին: Նույն ցուցանիշը 2024թ.-ի Հոկտեմբերին կազմել է 46.7% (Գծ. 7):
- 2025թ.-ի Հոկտեմբերի վերջի դրությամբ ՀՀ ՎԿԱ անդամների ընդհանուր կապիտալի և ակտիվների հարաբերակցությունը կազմել է 33.5%, որը վկայում է Ասոցիացիայի անդամ վարկային կազմակերպությունների բարձր կապիտալիզացիայի մասին: Նույն ցուցանիշը 2024թ.-ի Հոկտեմբերին կազմել է 36.3% (Գծ. 7):
- Ընդհանուր պարտավորությունների և կապիտալի հարաբերակցության ցուցանիշը ցույց է տալիս միավոր կապիտալի դիմաց ունեցած պարտավորությունների չափը: Այս ցուցանիշը ցույց է տալիս նաև վարկային բիզնեսի կառավարման արդյունավետության մակարդակը: 2025թ.-ի Հոկտեմբեր ամսվա դրությամբ ՀՀ ՎԿԱ անդամների համար այս գործակիցը կազմել է 1.98, այսինքն միավոր կապիտալի դիմաց ունեցած պարտավորությունները 2.0 անգամ գերազանցել է կապիտալի մակարդակը: Նույն ցուցանիշը նախորդ տարվա Հոկտեմբերի համար կազմել է 1.76:

Գծապատկեր 7. ՀՀ ՎԿԱ անդամների վերլուծական գործակիցներ

